



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ**

**№ 45 Б А С П А С Ө З Р Е Л И З І
2 0 0 7 Ж Ы Л Ғ Ы 2 2 Қ А Р А Ш А Д А**

**Қаржы тұрақтылығының мәселелері
жөніндегі меморандум туралы**

Қаржы тұрақтылығын көтеру, мемлекеттік органдардың тиімді өзара іс-әрекет жасау жүйесін ұйымдастыру және қаржы тұрақтылығына келетін қауіптерді уақтылы анықтау бойынша жұмыстарды ұйымдастыру, сондай-ақ қаржылық қатынастар субъектілерінің тәуекелдерін реттеу жөніндегі үйлестірілген саясатты жүргізу мақсатында **Үкімет, Ұлттық Банк және Қазақстан Республикасы Қаржы нарығын және қаржы ұйымдарын реттеу мен қадағалау агенттігі 2007 жылғы 10 қарашада Қаржы тұрақтылығының мәселелері жөніндегі меморандумға қол қойды.**

Осы меморандумды әзірлеу қажеттілігі Елбасының Қазақстан халқына 2005-2007 жылдардағы жыл сайынғы жолдауларын және Қазақстан Республикасы Үкіметінің 2007-2009 жылдарға арналған бағдарламасын іске асыру жөніндегі негізгі бағыттардың (іс-шаралардың) жалпыұлттық жоспарымен, сондай-ақ Қазақстан Республикасы Ұлттық Банкінің 2007-2009 жылдарға арналған ақша-кредит саясатының негізгі бағыттарымен айқындалды.

Меморандум қаржы тұрақтылығының негізгі қағидаттарын, Қазақстан Республикасының заңнамасына сәйкес тараптардың әрқайсысының қаржы тұрақтылығын қамтамасыз ету жөніндегі міндеттері мен ролін, ақпараттық өзара іс-әрекет жасау рәсімдерін, сондай-ақ жүйедегі дағдарыстардың теріс әсер етуін төмендетудің қағидаттары мен тетіктерін айқындайды.

Атап айтқанда, Үкімет, Ұлттық Банк және Қазақстан Республикасы Қаржы нарығын және қаржы ұйымдарын реттеу мен қадағалау агенттігі мынадай уағдаластыққа қол жеткізді:

(1) мемлекеттік қолдау көрсетудің қағидаттары және қаржы тұрақтылығын қамтамасыз ету мақсатында мемлекеттік реттеудің өзге де құралдарын қолданудың рәсімдері туралы;

(2) Ұлттық Банктің соңғы сатыдағы кредитор ретінде заемдар берудің салыстырмалы оңтайлы базалық талаптары;

(3) осы тетікті пайдалануда тиісті шарттар мен қажеттілік туындаған жағдайда екінші деңгейдегі банктердің «проблемалық» активтерін басқару мәселелеріне Қазақстан Республикасы Үкіметінің қатысуының орынды екендігі туралы;

Сондай-ақ қаржы тұрақтылығы индикаторларының жүйелі мониторингінің қажеттілігі айқындалды, мұнда Қазақстан Республикасының Ұлттық Банкі үйлестіруші орган болып табылады.

Көрсетілген құжатқа қол қоюдың тиімділігі 2007 жылдың басында айқындалғандығын атап өткен жөн. Меморандумның қорытындысы қаржы нарығының жұмыс істеу талаптарын қатандандырудың әсері болып табылмайды, мемлекеттік органдардың ұзақ мерзімді перспективадағы өзара іс-әрекеттерінің сапалы деңгейін қамтамасыз етуге және қаржылық қатынастар субъектілерінде қаржы жүйесінің тұрақтылығын қамтамасыз ету жөніндегі мемлекеттік саясаттың бағыттарын құруға арналған негіз ретінде қаралады. Мемлекеттік органдар Меморандум аясында әлуетті қауіптер мен тәуекелдерге барабар қаржы жүйесінің тұрақтылығын қолдау тетіктерін жетілдіру жөнінде одан әрі жұмыс жүргізеді. Қаржы тұрақтылығының мәселелері жөніндегі меморандум Ұлттық Банктің сайтындағы «Қаржы тұрақтылығы» бөліміне орналастырылған.